



職方典第一千五百二十三卷

貴陽府部彙考一

貴陽府建置沿革考

通志

本府

禹貢梁州南境荒服之地殷爲鬼方周爲靡莫秦爲夜郎漢爲西南彝武帝平頭蘭

即且蘭今遵義是也

遂平南彝

在播州之南

爲牂牁郡

漢書云郡有牂牁江通番禺城下光武時牂牁大姓自牂牁江入貢即此

唐爲牂州尋爲首領南謝氏

所有五代時楚王馬殷遣八姓帥率邕管柳州兵討兩江溪洞至此留軍戍之遂各分據號八

番宋爲羈縻南寧州至道元年南寧彝長龍漢瑛遣使率西南牂牁諸彝入貢號龍番元至元

十九年詔降彝八番金筑百餘寨悉爲郡縣置順元路金筑府貴州以統之總隸於八番順元

等處宣慰司都元帥府

考通鑑征交趾由八番即此地也

明洪武四年彝長密定等舉土內附置安撫司一長

官司十六隸四川貴州衛正統元年以木瓜麻嚮大華三長官司割屬金筑安撫司直隸貴州

布政司程番等十三長官司改隸貴州宣慰司成化十年設程番府於程番長官司安撫司及

十六長官司俱隸焉隆慶二年移程番府治於省城益以貴筑平伐二司改名貴陽府萬曆十四年設定番州於舊府十九年設新貴縣二十九年以貴陽爲軍民府三十三年設貴定縣三十九年以金筑安撫司設廣順州崇禎四州以副宣慰宋氏地設開州

皇清因之康熙十一年改龍里衛爲龍里縣二十六年改貴州衛貴州前衛爲貴筑縣改敷勇衛爲修文縣省修文濯靈恩烽於襄四所入縣省新添衛入貴定縣三十四年裁新貴縣領州三縣

四

貴筑縣

附郭

元爲貴州明洪武四年設貴州衛隸四川行都司十四年改隸貴州都司二十八年設貴州前衛隸貴州都司

皇清康熙二十六年以二衛改設貴筑縣編戶四里先是貴陽府附郭爲新貴縣係明初設貴筑長官司萬曆十九年併龍里衛平伐長官司共置新貴縣康熙十二年以府轄養龍中曹白納虎鑿四司巴鄉青巖二營及附城各村寨歸併縣屬仍歸府轄編戶六里半三十四年裁去新貴

縣併入貴筑縣編戶十里半

龍里縣

元置龍里州大德元年改置平伐等處蠻彝長官司隸亦奚不薛千戶所明洪武二十三年改爲龍里衛

皇清因之康熙十一年改龍里衛爲龍里縣隸府領長官司五龍里大谷龍小谷龍羊場水東

貴定縣

宋置白馬安撫司元置新添葛蠻安撫司隸湖廣行省明洪武間置新添千戶所隸貴州衛尋陞爲新添衛隸貴州都司領新添丹平丹行三長官司隸平越府

皇清順治十八年丹平司以罪革襲康熙二十六年移貴定縣治於衛以衛屬丹行改隸都勻領平伐把平大平伐小平伐四司隸貴陽府編戶二里共領長官司五平伐大平伐把平小平伐新添

修文縣

宋元初名乾壩龍場係水西安氏地明崇禎三年總督朱燮元奏設數勇衛

皇清康熙二十六年以衛改縣省修文濯靈息烽于襄四所入縣編戶四里

開州

明洪武間爲副宣慰宋氏地天啟二年副宣慰宋嗣殷叛尋討平之崇禎四年置開州

皇清因之編戶十里領長官司一乖西蠻彝

定番州

元爲程番府明萬曆十四年改州

皇清因之編戶四里領長官司十六程番韋番盧番洪番方番上馬臥龍大龍小龍金石小程羅番

盧山木瓜大華麻嚮

廣順州

宋元爲金筑宣撫司明洪武四年改授金筑安撫司萬曆三十九年改土設流置廣順州

皇清因之編戶十里

貴陽府疆域圖

平越府界

遵義府界

清鎮縣界

泗城土府界



貴陽府疆域考

本府

東至平越府界一百一十里 西至安順府清鎮縣界三十里 南至廣西泗城州界二

百二十里 北至四川遵義府界一百五十里 自府治至

京師七千六百七十里 東西廣一百四十里南北袤三百七十里

貴筑縣

附郭

東至龍里縣界五十里 西至廣順州界六十里 南至龍里縣界九十里 北至開

州界八十里 東西廣一百一十里南北袤一百七十里

龍里縣

東至貴定縣界三十里 西至貴筑縣界三十里 南至貴筑縣界二十里 北至貴

筑縣界三十里 自縣治至本府五十里 東西廣六十里南北袤五十里

貴定縣

東至都勻府界二十里

西至龍里縣界三十里

南至都勻府界九十里

北至平

越府界三十里

自縣治至本府一百一十里

東西廣五十里南北袤一百二十里

修文縣

東至開州界六十里

西至威寧府黔西州界五十里

南至貴筑縣界二十里

北

至威寧府黔西州界八十里

自縣治本府五十里

東西廣一百一十里南北袤一百

里

開州

東至貴筑縣界八十里

西至修文縣界三十里

南至貴筑縣界四十里

北至四

川遵義府界五十里

自州治至本府一百二十里

東西廣一百一十里南北袤九十

里

定番州

東至貴定縣界七十里

西至安順府鎮寧州界二百里

南至廣西泗城州界一百二

十里 北至廣順州界十五里 自州治至本府一百里 東西廣二百七十里南北

袤一百三十五里

廣順州

東至安順府普定縣界十里 西至安順府界二十里 南至定番州界四十里 北

至安順府鎮寧州界五里 自州治至本府一百一十里 東西廣三十里南北袤四十

五里

形勝附

本府 貴筑縣附郭

明一統志東阻五溪西距盤江 據荆楚之上游爲滇南之門戶

舊志富水繞前貴山擁後複嶺四塞西南都會筆峯拔地天馬騰空兩關雄峙五行得令

龍里縣

貴山阻溪入省咽喉

貴定縣

四山排戟一水拖藍

修文縣

帶山阻河西土要衝

開州

據清江之險以控蠻彝

定番州

四水交流八番拱衛

廣順州

明一統志山廣簪深重岡疊寨

山連普里壤接泗城

貴陽府星野考

通志

府總

參井之餘

貴陽府山川考

通志

本府 貴筑縣附郭

貴山在城北五里一名貴人峯郡之得名於此

東山在城東一名棲霞山翠巘崔嵬琳宮

縹緲溪山園闕一覽可盡郡人楊大賓曾讀書其上題有君山讀書處五字於石壁巔左舊有

小魯亭久廢

皇清總督卞三元重構顏曰振衣亭山腹有洞舊名來仙

相寶山在城東北俗名照壁排雲列

嶂儼若翠屏與東山對峙上有梵宇頗稱名勝

高連山在城南二里諸山高而連絡有天

馬貴人諸峯唐史謂牂牁境內有高連石門二山卽此

黔靈山在城西三里衆山環抱石

徑險仄一綫盤旋而上

皇清康熙十二年新建祠宇宏麗往來游觀之所有碑記

獅子山在府城西二里明潁川侯傅

友德講武於此

翠屏山在城中布政司署後

文筆山在城南孤峯如筆卓立雲表爲

郡士人文之兆

驪珠山在城北五里許

崆嵒山在城東北五里明一統志以爲石洞

山山腹盤龍可通人行

石門山在城東六十里兩山對峙如門

金鼇山在城北五里

群山如奔濤疊浪中湧一峯宛然鼇首躍波天飛

板橋山在城南六十里高與雲齊數百

里內外皆見之晴日亦生雲氣上有石枰傳有僊人對奕其上

唐帽山在城東一里以形

似名士人常避兵於此

斗崖山在城南里許俗名倒崖山

筆架山與斗崖山相近

天馬山在城南高連山前

天榜山在天馬山前

臥牛山在城南二十五里山南有長

豐堰溉田甚廣

簸箕山在城南五十里傍有青巖巖臨河其側爲羊虎二場四方軍民貿

易於此

風洞山在白納司西山腹有洞每風貫其中有聲如雷

白崖山在城北二里

兔腸官道經其下

鴉關山在城北

驪珠山與鴉關山相接

坎馬山在西二里俗

名坎馬冲天

三腳山在城北五十里三峯竦立形如鼎足

魯郎山在城北八十里元

時有魯姓者讀書於此故名本名乖西山又名書案山

木閣箐山在城西北四十里延袤

百里林木蓊蔚中有道可通水西畢節上有一潭深不可測

銅鼓山在城東二里

鳳

鳳山在城南五里

金貓捕鼠山在城西南五里山以形名宛如狸奴蹲踞溪邊昂首傲睨

傍有群石如鼠伏不敢動傳有大地張三丰有鈴記至今未得其解

五虎山在城外山形

類虎者五諺傳五虎三獅一鳳凰云

石人山在城北三十里山頂巨石林立遠望如人

雲錦山在城北二十里舊爲宋宣慰別業舒屏列嶂俛瞰平田煙光繚繞春花秋月適興宜人

下有流觴曲水諸勝今雖荒煙蔓草猶可想見當年

玉冠山在城西七十里地名泥阿有

山巍然聳拔如羽士星冠僧結庵於其上昔有道者經此題其壁曰高上若無僧佔住待余著

去好朝天

高坡在府城南六十里岡巒繚繞如帶如圍石砦摩霄烟嵐夾湖風雲低暑月

猶寒地產茶郡人避兵其上

藏甲巖在城內西南隅一名鬼王洞漢王志英武過人而貌

寢軍中呼爲鬼頭從諸葛武侯南征擒雍闓過此藏盔甲以鎮百蠻

石譜在府城南白納

司平地突起奇石類聚羣分敲整橫斜千態萬狀足供繪圖郡人吳中蕃目之以石譜下有清

泉隆冬不涸竹樹森陰游之忘暑

犀牛石在城西一里昂首田中如犀牛狀

船石在

城東二里牛渡河邊長數丈宛然梳舟野泊登之可以命酒

梯嶺在城南三里有石級如

梯中曹司路經其上

鰲頭磯在府城南

白龍洞在城西北十五里巖石玲瓏備極靈

異入數十丈漸幽暗非乘炬不得前中有潭水駕竹而渡石筍數莖扣之鏗然若鐘聲

朝

陽洞在城南六里軒豁爽塏可供游賞

雲崖洞在西北三里舊名唐山洞甚幽邃

瀉

玉洞去城北四十里地名鰲阿有山綿互而下一阜鼻昂峯圍木拱山鼻忽開洞口洞中石有人立者獸蹲者笋茁者花綻者石牀丹竈各各具備扣之有聲戛然石洞鼻竅清泉外瀉噴若銀簾幾於匡廬之瀑布

水落洞在北隅里爲衆水所歸松風古剎卽之冷然

魯納洞

在谷池里三洞並列可容千人士人於此避兵

烏江在城北源出水西與四川遵義府分

界湍流洶悍其北岸有烏江關西境恃以爲險東北流入平越府境

三水江在城北三十

里府西境之水派流而下至此合流而爲一東流合於清水江卽陸廣諸水之下流也

清

水江在城東北百二十里與新添衛分界水甚清冽兩岸巖壁立崎嶇難行下流經開州南境

乘舟已香諸苗佬倚此爲險明景泰三年南和侯萬英將兵渡此平其兩岸以爲坦途苗獠

奪氣又東北入于烏江

龍洞河在城南十里下流入於南明河

濟番河在城西南三

十里俗名花犵猪河八番路所經明成化初宣慰使宋昂疊石爲橋其下流合南明河 陸

廣河在城西北百二十里卽三水江上源也當水西驛道舊志巡司於此盤詰行者黔記陸廣

河有木口砦又有陸廣城爲水西要地 鴨池河在府西百五十里下流達於陸廣河

南明河在城南門外源出廣順州界東北流經郡城至巴香北流合烏江通思南府入蜀涪州

界合岷江明巡撫舒應龍江東之先後俱有開河之議以石多工鉅而止 貫城河自崆龍

山發源貫入城中流會南明河明大學士席書有記巡按楊鶴題曰玉帶

皇清總督甘文焜巡撫佟鳳彩因民居迭火濬之以禦火災康熙十二年復加疏導倍覺澄泓比於

離堆之鑿 四方河在城西南五里源自廣順州入濟番河東流匯於南明河 富水在

城南源出八里屯東北流入南明河內 墨特川在西北元大德五年宋隆濟與蛇節作亂

進攻貴州元將劉國傑討之大破隆濟等墨特川卽此 擇溪在城西三里一作宅溪源出

羈縻山流合貫城河入南明河 西溪在城西北二百八十里流合陸廣河 沙溪在城

北二百里流合烏江 涵碧潭在城南門外武侯祠下南明河之所匯碧流瑩徹巖木蒼蔚

迴隔塵凡舊多題咏

漁磯灣在南明河左岸漁人鼓柁往來有瀟湘之致

芳杜洲在

南明河中甲秀樓下廣可百步春來芳草晴沙足供游咏

玉池在城豐濟倉前明巡撫趙

鉞溶之題曰玉池勝地池北有塘曰鳳爐池中有亭曰浮光皆有記

皇清巡撫羅繪錦命工疏治植蓮其中

夢草池在城西隅崔家坡頂一泓清淺經冬不涸邑人

吳子騏別墅岸植芙蓉榆柳蕭疎掩映中有神物每出見則風雨昔人頗多題咏今埋塞過半

靈泉在府城大興寺內泉極澄澈舊傳月出沒時雖偏在東西泉中皆見影

聖泉在城西

八里一名百盈一名漏洧自山麓湧出晝夜百盈百竭應刻漏之數似有橐籥莫測其端明鎮

遠侯顧成瑩石爲池覆以亭池中立一石以驗消長旁有寺郡人歲時游觀

九十九泉在

城西二十里地名高寨泉出山頂凡九十九穴

神應泉在城北一百二十里地名巴香出

於兩石之間水不恆注汲者至擊石數聲則涓涓流出隨器而滿否則復竭

溫泉在城東

九十里地名楊郎壩初出地熱甚可熟生物稍遠乃可浴

珠泉在城西三十里泉列池中

分六七道而出纍纍如貫珠之不絕

濟行泉在新添關鋪有二源出高連山穴行者藉此

以濟渴

龍井在城隍廟前水出石隙味甚清冽安曾叛圍城井忽涸有人探入見一穴深

寶莫可窮極

海螺井在府治白納司形如螺甲每日三潮若吞吐然

普惠井在城北

一名四方井

龍里縣

龍駕山在城南一里爲縣鎮山

紫虛山在城東門內疊石峻嶒頂結平臺建紫虛閣其上

雲臺山在城北二十里高五里許磅礴蜿蜒攢靈簇秀頂有普賢寺

回龍山在城西南一

里 馬鞍山在城西一里

長衝山在城西四十里昔爲苗蠻出沒之所明成化間置哨

堡以守之

鯉魚石在城西五里道傍揚鬚鼓鬣烟雨欲飛

留雲洞在城南里許洞中

懸二石乳扣之如鐘鼓左有一石臺雲龍變幻明巡撫郭子章登之名曰雕雲黔記稱此洞有

雲溪之朗而奇石怪壁非雲溪所有有天然之巧而高明洞矚非天然可侔亦龍里之奇觀也

簸箕河在城北四里入新添衛下流合清水江

加牙河在城東源出縣東南之谷者砦流

入大平伐司之發首河

原溪在城西南五里東北合流於簸箕河今其上有廣濟橋爲往